

Fra: hoyring@hfk.no
Sendt: 02.12.2014 17:28:46
Til: Hordaland Fylkeskommune - Postmottak
Kopi:

Emne: Høyring vassregionplan - saknr. 2014/16490
Vedlegg:

Fra: Bydelsbloggen
 Adresse: Hillarhaugen 54
 Postnr: 5415 Stord
 Namn: Lena B Ask

Epost: lena.ask@stord.kommune.no

Uttale: Storavatnet i Sagvåg og Litlabøområdet er særdeles viktig for folkehelse til folk i området, då det vert nytta til bading, roing, seiling, kanopadling, fiskeing, skeisegåing mm. I tillegg er det mange flotte turstiar langs vatnet. Storavatnet er "trua" av vasspestsmitte frå Ådlandsvatnet, forureining frå både gruvene på Litlabø, tilsig frå den gamle bossdungen på Valvatnet og regulering pga Erko settefisk sitt anlegg i Grunnvågen. Me fryktar for lakse og aurebestanden i vatnet og ber om at Storavatnet vert tatt med i Vassregionplanen og at det vert gjennomført tiltak for å nå måla i Vassbruksplanen for Storavatnet (sjå meir info lenger nede i innspelet vårt). Sjølv har me rydda vatnet for 3 kontainarar med boss, men dei verste truslane er dei ein ikkje ser, og dei treng me hjelp til å ordna opp i.

<http://www.sunnhordland.no/article/20140515/NYHENDE/140519889>

Litlabø skule har engasjert seg i vatnet og er med i eit prosjekt om Storavatnet. Dei har nyleg tatt prøvar av både vasskvalitet og analyser av fisk frå vatnet. Desse kan de sjølvsgat få tilgang til, om de ynskjer det.

Vassbruksplanen for Storavatnet fortel litt om måla og vegen for å nå desse.

<http://www.stord.kommune.no/Documents/planar/vassbruksplan-storavatnet.pdf>
<http://www.stord.kommune.no/Documents/planar/vassbruksplan-storavatnet.pdf>
<http://www.stord.kommune.no/Documents/planar/vassbruksplan-storavatnet.pdf>

Her er utdrag frå planen:

Storavatnet er det største vatnet i Stord kommune og vatnet er ein viktig del av nærmiljøet til svært mange av innbyggjarane i kommunen. Planområdet har ulike arealtypar og forskjellige interesser knytt til bruken av desse, noko som gjev potensiale for konflikstar.

Denne vassbruksplanen skal gje ei forutsigbar forvaltning av Storavatnet med nedbørsfeltet omkring.

Arealbruken i planområdet er definert i Kommuneplanen sin Arealdel med tilhøyrande føresegner.

Hovudtrekka i målsetjingane for vassdraget vert oppsummert slik:

*Storavatnet skal opprethaldast og betrast som eit økologisk viktig naturområde og utviklast vidare som viktig rekreasjonsområde for innbyggjarane i kommunen.

*Den generelle vasskvaliteten i vassdraget (vatn, bekkar og elvar) skal betrast i høve til tilstanden målt i 2003.

*Det "naturlege" biologiske mangfaldet skal bevarast, og ein skal på sikt freista å få eit vassdrag mest mogleg lik "original" økologisk og vasskjemisk tilstand (naturtilstand).

* Miljøinformasjon om Storavatnet og resultat frå gjennomførte tiltak skal gjerast tilgjengeleg for ålmenta m.a. gjennom nettstaden "Miljøstatus på Stord" (www.miljostatus.no/stord/).

Det er knytt opp konkrete tiltak for å nå dei ulike målsetjingane. Ettersom dei fleste tiltaka omhandlar miljø, har Stord Fitjar Landbruks- og Miljøkontor (SFLMK) ansvaret for at mange av desse vert gjennomført. SFLMK vil fortsetje det gode samarbeidet med andre etatar internt i kommunen, men også med lokale organisasjonar og ressurspersonar. Stord Jeger og Fiskeforening, skular og andre organisasjonar og ressurspersonar kan vera til god hjelp i dette arbeidet, slik at me saman kan betra nærmiljøet i Sagvåg og Litlabøområdet.

Alt no er det over 18 000 personar som bur innanfor ein radius på 10 min køyretid til vatnet.

Me ber om at Storavatnet både vert tatt med i vassregionalplanen for Hordaland og at det vert gjort ein innsats for å betra tilhøva i vatnet.. Planen må ikkje berre bli fine ord på papiret, det har me ikkje råd til! Det er nødvendig å sikra Storavatnet for framtidige generasjonar.....

Mvh Bydelsbloggen